



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Conciliorvm Omnivm Generalivm Et Provincialivm Collectio Regia

Ab anno CCCCLI. ad annum CCCCLXXV.

**Parisiis, 1644**

XLIII. Si diaconus ordinandus fuerit coniugatus.

**urn:nbn:de:hbz:466:1-14887**

ANNO CHRISTI 437  
tra constitutionem, vel distractionem, gratificari vult, quam omnes episcopi, qui ad huiusmodi dedicationem inuitantur, conuentu abstinebuntur. si ordinem excefferit, in reatu reuocabitur.

XXXVIII.

Subito obmutescens baptizari potest: & amen-  
tibus quæcumque pietatis sunt conferenda.

XXXIX.

Energumeni baptizati, si de purgatione sua curant, & se sollicitudini ecclesiasticæ tradunt, monitisque obtemperant, omnimodis communi-  
cent, sacramenti ipsius virtute ab incurfu dæmo-  
nii, quo infestantur, purgandi, quorum iam osten-  
ditur vita purgator.

XL.

Energumenis catechumenis, in quantum vel necessitas, vel oportunitas permiserit, de bap-  
tismate consulendum.

XLI.

Si qui palam aliquando arrepti sunt, non so-  
lum non assumendi sunt ad vllum ordinem cle-  
ricatus; sed etsi iam aliqui ordinati, ab imposito  
officio repellendi.

XLII.

In prouinciis nostris placuit de præsumptori-  
bus, vt sicubi duo episcopi ausi fuerint episco-  
pum facere, etiam si metropolitani episcopi episto-  
lam non habuerint, & is qui ordinatus est, cum  
ordinatoribus excludatur.

XLIII.

Placuit præterea, vt secundum Synodi institu-



Conc.  
Arausic. I.  
Can. 22.

ta non ordinentur diacones coniugati, nisi qui prius conuersionis proposito professi fuerint castitatem.

ANNO  
CHRISTI  
452.

## XLIV.

Si quis autem in posterum accepta benedictione leuitica cum vxore sua incontinens inuenitur, ab officio abiiciatur.

## XLV.

De his quos clericatui alligari ipsa vitæ gratia fugesserit, si forte internupta & duplicata matrimonia inciderunt, non vltra subdiaconatum ecclesiasticas capiant dignitates. Quod si facti forsitan sunt, ab ecclesiastico remoueantur officio.

## XLVI.

Professas viduas, si conniuentiam præstiterint, cum raptoribus esse damnandas.

## XLVII.

Conc. Va-  
sensis I.  
Can. 4.

Secundum constitutionem Synodi Vasensis, quicumque oblationem fidelium suppresserit, aut negauerit, ab ecclesia, cui fraudem fecerit, excludatur.

## XLVIII.

Ibidem c. 5.

Si quis episcopi sui sententiæ non acquiescit, Synodi legibus audiendum.

## XLIX.

Secundum instituta seniorum, si quis a communione sacerdotali fuerit auctoritate suspensus, hunc non solum a clericorum, sed etiam a totius populi conloquio atque conuiuio placuit excludi, donec resipiscens ad sanitatem redire festinet.